

武夷山記

黃仲昭

叙曰武夷山周迴百餘里其峰巒大者三十六道書謂爲第十
六洞天相傳常有神仙降此自稱武夷君又列仙傳錢鏗二子
長曰武次曰夷因以爲名二說不同朱文公序云武夷之名著
自漢世祀以乾魚不知果何神山有枯木查插石罅間以度舟
船棺柩之屬柩中遺骸外列陶器尙皆未壞頗疑前世道阻未
通川壅未決時蠻俗所居而漢祀者卽其君長蓋亦避世之士
爲衆所臣服而傳以爲神仙也今山之羣峰最高且正者猶以
大王爲號半頂有邱焉豈其君長所居耶有小溪繚繞羣岫之
間凡九曲李左思詩溪流玉雪三三曲山鎮烟霞六六峰洪邁
道藏輯要

天下名山記
福建武夷黃

率

軫集五
XIX

詩一溪穿空舞澎湃九曲度盡方盤紆

大王峰一名天柱峰昔有張真人坐逝於此亦號仙蛻崖峰南
一隅稜層三出可編梯級而上舊志昔魏王子騫與張湛等十
二人隱於此山得道峰之巔有古木仙果異竹奇花芝草之類
李綱詩孤峰拔地與天通爲問仙人羽化蹤鸞鶴不知何處也
玉樓金鎖白雲封劉子翬詩隔竹斜陽泛小舟榻來天柱訪仙
游風聲樹杪棲笙鶴雲氣峰頭湧玉虬幔亭峰一名鐵佛嶂舊
志秦始皇二年八月十五日武夷君置酒設會鄉人於此建幔
亭綵屋設寶座施紅雲襖紫霞褥呼鄉人爲曾孫宋白玉蟾詩
人間幾度曾孫老惟有青山自古今辛棄疾詩山上風吹笙鶴

聲山前人望翠雲屏蓬萊枉覓瑤池路不道人間有幔亭陳夢
庚詩山中別是一桃源綵屋紅橋影不存山下人痴猶自說排
簷元是武夷孫仙鶴巖峭壁上有繪鶴霜翎朱頂千古不渝禪
巖又名望鶴臺昔有老僧坐禪於此故名仙羊巖在大王峰之
西大小凡六七峰時有峰仙羊見又三曲亦有仙羊巖虎鼻巖
水中石有兩竅仰吸如虎鼻獅子巖其形蹲踞昂首狀若獅子
徐進齋詩山中彈壓無豺虎留得孤猿半夜啼昇真洞在大王
峰之東石壁上谿筍一室中有雷文甃甌五盛仙蛻其一置石
窖中窖中狹束不可出洞前悉以黃心木縱橫爲棧若可通往
來者其上又一穴橫插雙木爲橋橋之西壁別開一罅中有香

道藏輯要

天下名山記
福建武夷黃

卷

軫集五
x 116

爐藥瓶之屬可望而不可卽也洞下直裂一隙其旁有頂爐號
丹爐石白玉蟾詩得得來尋仙子家昇真洞口正峰衙一溪春
水漾寒碧流出紅桃幾片花投龍洞在大王峰絕頂洞門小而
直下垂纒百尺乃可至水宋朝屢遣中使投金龍玉簡祈雨於
此旁有天鑑池大小觀音石一石對聳其巔草木蒼翠有寶冠
螺髻之狀兜擔石一名賭婦巖古記云昔有娶婦者與仙人賭
而隨其去遺下兜擔化而爲石下有常菴及蔡抗書堂水光石

在溪頭

已上俱
在一曲

鐵板嶂在大王峰之右三峰其峰森秀中者尤高玉女峰亦名
三娘石三石差肩而立其色紅潤望之有姝麗之態下有粧鏡

臺仙冠石宋辛棄疾詩玉女峰前一棹歌雲鬢霧髻動清波蒲
心泉詩玉女亭亭擁霧鬢此心如雪照清灣願將一曲秋溪水
洗却人間脂粉顏馬頭巖狀如勒馬凌霄巖仙猿巖虎嘯巖在
玉女峰側草木叢茂上有崇真菴後有南山書堂宋蔡淵并弟
沉祠堂在焉宋李綱詩昔年老虎嘯幽巖千里清風皺碧潭巖
上如今無虎跡一林花雨落 參 題詩巖在溪畔諸名賢多留
題又四曲亦有題詩巖蔡沉詩四曲游人款乃歌舊磯千古老
漁簑題詩巖下人來往春雨年年長綠莎 已上俱在二曲

張真君上昇峰一名紫巖峰車前峰古記云聖姥常鞭牛以車
載錢於此因名上有白玉蟾丹爐升日巖有金光石小藏巖下

道藏輯要

天下名山記 福建武夷黃

奎

軫集五

臨深潭上巨絕壁半巖數處 訝斷其間或插木架板望之如棧
中開數室內有器圓者如斛方者如笥又有如笥盤如杵之狀
者古記云昔有仙雞栖鳴其間故又名仙雞巖其側有船架於
巖之半壁亦名仙船巖翁彥約詩西溪縹渺接明河鼓棹仙人
泛玉波却御長風天上去虛丹千古插嵯峨仙館巖半巖有石
室廿六間几案具在蓋仙家翰墨之館一名仙學堂李仲光詩天
人異所稟事物皆生知強名仙學堂此語將誰欺我欲借尺地
虛簷做茅茨琅琅誦玉章勉力探希夷水樂石有琴瑟之韻試
劍下舊志云探鶴仙人試劍於此石分爲二會仙石方平可坐

一三十三人在三曲 已上俱

宴仙巖與釣魚臺相對李仙巖大藏巖下際深淵巖石罅中有
仙骨數函鄉民遇旱則就船以爲梯連屬而上取仙函奉以祈
雨雞窠巖在大藏巖之半壁有洞穴外狹內寬木榛縱橫其間
如雞窠然古記云有仙雞鳴於此巖之上翁彥約詩仙人清磬
讀黃庭長聽金雞半夜聲一夕都隨黃鶴去滿窠風月白雲生
雲巖巖之半有石室可坐百人扁曰雲巖菴仙機巖半巖有石
室機杼猶存白玉蟾詩織就雲裳御冷風玉梭隨手化成龍天
孫歸去星河畔滿洞白雲機杼空翁彥約詩辛苦支機耐寂寥
肯同嬴女只吹簫金梭昨夜成龍去上與天孫織絳綃釣魚臺
國朝蘇伯厚詩仙子何年把釣竿古臺依舊勢巔岏巖陵老去
道藏輯要

天下名山記
福建武夷黃

壘

軫集五
入三

能遊此不住桐江七里灘拜章臺上平坦有香爐渾然天成已
俱在四曲

大隱屏峰其峰夷上銳下拔地峭立如屏武夷精舍在其下陳
孟庚詩大隱屏前風月閒何人手種萬琅玕深深五曲東流水
合作千年洙泗看接筍巖一名仙接石狀如筍立其半有痕如
斷而復續玉華巖羅漢石以其頂髡骨露故名天柱石尖秀如
琢成舊志云昔魏王於上下有更衣臺平正如几已上俱在五曲
三層峰鱗疊斜倚雲漢每早曠欲雨則先出陰霾欲霽則開豁
遠近視以爲候仙掌巖巖面三處石紋紅潤如掌有瀑流界於
仙掌仙館一山直下千尺頂有崇真館下有仙浴堂白玉蟾詩

仙子捫蘿上翠崖巖頭舊有煉丹臺至今石上留仙掌十指春
蔥漬綠苔林君用詩漢武昇遐幾度春金莖事迹總無聞懸崖
更不承朝露空印纖纖十指紋陳夢庚仙浴堂詩神仙無垢骨
猶香底用山間開浴堂我欲從之三洗髓騎鯨散髮水雲鄉石
堂院巖亦名陷石堂宋天聖間一夜大雷雨院東白面巖開剝
一巨石飛下覆壓院宇五十餘間陷沒成潭人罹其害惟僧居
仁及行者得免云有人掖之以去今石崖橫絕僅可容足轉千
餘步則地勢平曠種桃滿原人號小桃源後有劉焯祠堂白玉
蟾詩高僧叅透趙州禪拔寺移歸兜率天天聖四年二月朔一
宵雷雨撼山川響聲巖其中空洞人笑語則谷應仙跡石與仙

道藏輯要

天下名山記
福建武夷黃

雷

軫集五

掌巖相對有脚膝痕李左史詩當時天姥立溪邊石上遺蹤見
宛然笑殺茂陵綈氏跡只憑方士口中傳已上俱在六曲

北廊巖廣柔連屬如廊廡然綉藏巖鑄錢巖有石梯稜層城高
巖山形高峙長亘五十餘丈若城壁然上水龜石已上俱在七曲

鼓樓巖巖間有樓其下四楹有路可以攀援而上舊記云是仙
家鼓樓旁有鼎竈葉夢鼎詩鼓樓巖下鼓樓開舉世邯鄲夢未
回安得老鰲俱喚起萬人醒眼上山來天壺巖在鼓樓巖之側
中有道院下水龜石貓兒石伏於山巔若猫然鼓子石兩峰竝
起一峰旁有石如鼓細縑石石紋縷絡如卷絲狀大小面石兩
石相向如人面魚磻石將湖石已上俱在八曲

靈峰下有玄都觀靈巖又名風洞兩石相倚長數十丈中一鑿
窺見天光隱隱如線謂之一線天石洞中可坐十數人谷口荆
門朱文公題扁曰靈巖徐進齋一線天詩石上烟消綠蘚斑幾
人車馬此盤桓誰知一線通天處照見人心萬古寒白雲巖半
壁如有白雲之狀鍾模石隱然如鍾三教石香石大小廩二石
卓立如倉廩元詹先野隱其下名廩江之濱卽此地也宋陳夢
庚詩白石青霞爲歲計佳殺旨酒出仙壺侵天有廩無支遣歲
惡還能借貸無音烏石紫清真人嘗煉丹其下已上俱
在九曲
換骨巖在幔亭峰北中一巖室平廣可六七丈室前路斷數尺
舊有黃心木爲橋迄今不壞室中有四柱樓一所如世俗度閣

道藏輯要

天下名山記
福建武夷黃

壘

軫集五

上列置蛻函函中仙蛻皆質小而紅色世傳方外之士得道尸
解者皆於此換骨云元薩天錫詩千丈梯萬丈巖天開地闢
鬼神劓夜光玉氣橫溪過多是神仙換骨函唐刻石在換骨巖
下唐明皇遣使封名山大川登仕郎顏行之刻石以記三姑石
三峰并峙相傳秦時有三女遊於此因化爲石李綱詩風舞芳
林鬢脚垂朝雲行雨濕仙衣不知當日緣何事化石峰頭更不
歸安慶詩霧鬢烟鬟彷彿梳老翁指點說三姑娉婷不嫁非無
意誰是人間大丈夫已上俱在
山之北
齊雲峰高出霄漢頂有聖者菴時見燈光水簾洞在縣南九曲
上流一崖高插有瀑布狀如垂簾高可七八十丈又名唐曜天

巖毛竹洞亦在九曲上流徧生毛竹唐李義山詩只得流霞泛
一杯空中簫鼓當時回武夷洞裏生毛竹老盡曾孫更不來翁
彦約詩毛竹連雲路欲迷洞門深鎖落花遲曾孫幾度春風老
未了仙人一局碁已上俱在
山之南

道藏輯要

天下名山記
福建武夷黃

奚

軫集五